

Кузь нэм да бур шуд!



Эква йывлөн слава

Иван Семёнович Лодыгин

Чужис 1934 вося май 15 лунё Носимын. Уджалис колхозын, «Усть-Куломскöй» совхозлөн Носим отделениен, 1967-1983 восясын - Пруптскöй леспромхозын пöрдчысьён, чинтасысьён. Социалистическöй ордйысьöмын вермысь, коммунистическöй уджывыса ударник.

Гöтырыскöд быдтис да велöдис нель челядьöс.

Бур уджысь сетисны Коми АССР-лөн народнöй овмöсса заслуженнöй уджалысьлысь ним, почёт грамотаяс.

Кувсис 1983 вося январ 5 лунö Зимстанын.



Дардэр

Эква йывса войтырлөн газет

Петö 1929 восянь

Четверг, 2011 вося май 12 лун 58 (10333)-öд №



РАЙОНСА АДМИНИСТРАЦИЯЫН

Май 6 лунö районса администрацияö чуқöртчылысны вöр комплексын уджалысьяс.

Республикаысь волісны «Авиалесоохрана» котырön веськöдлысь В.А. Дробахин да вöр комитетön веськöдлысьöс вежысь Р.Н.Ульянов, а районсы - лесничествоясön да вöр ладзан котыргясön веськöдлысьяс. Сёрни муніс гожöмын вöрса öзйылöмгяс кежлö дасысьсьöм да кусöдчöм котыртöм йылысь. Кызвыннас дасысь. Майшöдлö «ЦентроВудКом», кодлөн уна көртгымö босытöм вöр, но абу на помöдз мовпыштлöма сійöс видзöм йылысь.

Май 10 лунö районса администрацияын сёрнитисны öнیا кадö сиктгясын да посёлөкгясын биысь видзчысьöм йылысь.

Юöртисны биысь доргьян службалөн 7-öд отрядса начальник О.Ф.Зинович, госпознадорлөн юкөнса начальникöс вежысь А.А.Лужечков. Майшöдлö кос турунлөн соччöм. Öзйыліс нин дас кыкласян. Кывкөртисны, мый колö өнджык уджавны йöз повстын, медым эз öзтавны кызди кос турун, сідзи и öшинь улö чуқöртöм лöп-өг.

Май 10 лунö районса администрацияын сідзжö сёрнитисны вöрлөн международнöй вокöд йитöдгын май 14 лунö районын пуяс садитöм йылысь.

Пример вылö, Кулөмдіннын пуяс да кустарникгяс садитасны усöм воингяслы памятник, шöр школа, лесничество дорын. Уджгяс мунасны и вöрын.

ЮРСИКТЫН ПОБЕДА ЛУН

Май 9 лунö районса олысьяс кыпыда пасйисны медся ыджыд да югыд праздник - Победа лун.

Кулөмдіннын асывянь тусясис, вöлі ыркыд, но Победалы сійө митинг вылö йöзыс чуқөрмыліс зэв уна. Локтисны и Айму дорйысьяс - квайт пиысь куймөн: Галина Афанасьевна Белова, Алексей Дмитриевич Мишарин да Василий Васильевич Пименов. Анна Ивановна Епова да Анна Карповна Пронина вöліны юркарын парад вылын. Бөрйинас адзысьлысны республикаса юралысь В.М.Гайзеркөд. Кулөмдіннын унаөн вöліны и тылса уджалысьяс повстысь.

Митингсö восьтис Кулөмдінса администрацияөн веськöдлысьлысь моггяс олөмö пöртысь С.В.Рубан. Сійö вайöдис Кулөмдіннысь Айму дорйысьяслысь нимгяссö да став йöз нимсянь висьталіс ыджыд аттö, подвижнысö шуис куслытöмөн. Победалысь ыджыд төдчанлунсö пасйис да чолөмаліс став йöзöс ыджыд праздникон районса юралысь Д.А.Шатохин.

Республикаса военкоматлөн Кулөмдінса юкөнөн веськöдлысь О.В.Ватанский висьталіс Эква йывса олысьяслөн Победа шедöдөмö пай йылысь. Фронт вылö татысь муніс 7716 морт, бöрсö эз лок 3936. Ыджыд отсöг фронтлы сетісны тылса уджалысьяс, заптисны 959,3 скорс кубометр вöр, сдایتисны государственлы 6030 тонна нянь, 8638 тонна картофель, 1240 тонна градыв вуктас.

Ветерангяслөн райсöвета председател Г.А.Кравченко висьталіс, мый районнын талун 16 фронтöвик, 124 салдат döва, 566 тылса уджалысь. Ставныслы



сиис өн дзоньвидзалун, кузь нэм да ыджыд шуд.

Кулөмдінса шöр школагын велöдчысьяс сиисны Айму дорйысьяслы кык сыбланкыв. Усöм воингяссö казгытштісны чöv здукөн.

Вöлі сиöма праздниклы эстафета. Вермасис куйм котыр. Медся öдйö котөртісны ДЮСШ-са спортсменгяс.

Кулөмдінса олысьяссö да гөсьтыгясөс вердісны яя рокөн. Ывла вылын гажöдісны йöзöс «Красная гвоздика» да «Эжваса дзоридзгяс» хоргяс, «Рябинушка» ансамбль, «Июль» котыро пыр-

ысьяс Сергей Ефремов да Людмила Яснецова, а сідзжö Анастасия Гуляева, Артём Дядечко, Галина Попова, Агния Филиппова да мукöд.

Рытнас вöлі дискотека, 10 час рытын - салют. Сійöс котыртöмөн водзмөстчис «Единая Россия» партиалөн Кулөмдінса юкөн. Вит минут чөж сывкйысь унапöлсö рёма ярыгыд би өна воис сёлөм вылас йöзлы.

Николай ЛЮТОЕВ.

Авторлөн снимок вылын: фронтöвиггяс В.В.Пименов да А.Д.Мишарин районса юралысь Д.А.Шатохинкөд.

РЕСПУБЛИКАЛӨН МАМ КАПИТАЛ - ТÖДЧАНА ОТСÖГ

КОМИ РЕСПУБЛИКАЫН

Коми республикаын 2011-öд во - кагалөн во. Буретш та вöсна республикаса власьтлөн торгя ыджыд төжд улын семья. Республикаса юралысь Вячеслав Гайзер төдчөдіс кагалөн воы сійөм уджын шöр туйвизгяс. Вильторйөн лөö 2011-öд вося январ 1-öд лун бöрся коймөд да водзö чужысь кага вылö регионса мам капитал сетөм, кодлөн ыдждаыс 150 скорс шайт.

Тайö сөмсö бать-мам вермасны босытны кагалы ар джын тырöм бөрйин. Республикаса бюджетысь та вылö торйөдöма 184 миллион шайт, артыштöма 1229 кага вылö.

Таысь кындзи, босытасны кө кагаөс детдомысь пи либö ныв пыдди, öтчидысь сөтан сөм содас 10 скорс шайтсаянь 200 скорсöдз. Кагаыс кө инвалид, сөм содас 15 скорсаянь 250 скорс шайтöдз. Бюджетысь вичмөдасны та вылö содтöд 12 миллион шайт.

Сідзжö кыпöдасны детсадгяс да улыс тшупөда школагяс. Сиктса школагяслы вичмөдасны автобусгяс ньбöм вылö сөм.

Кулөмдін районнын лөптасны Мысын 40 морт вылö

ШКОЛА-САД ДА ЯГКÖДЖЫН 49 ВЕЛÖДЧЫСЬ ВЫЛÖ ШКОЛА.

Кулөмдін районса администрацияысь семья да том йöзлөн юкөнөн веськöдлысь Надежда Русинова төдчөдіс, мый районнын колö ышöдны чужтыны унджык кага. «Сиктын век вöліны уна челядя семьяс. Куйм челядьыд эз вöv уна. Бөргя кадас челядь чужö этпа. Коймөд кага чужöмысь регионса мам капитал сетөм - семьялы төдчана отсöг. Тайö сөм вылас поэяс велöдны водзö челядьсö либö кыпöдны керка. Ас керка йитö мортсө сикткөд, мукöд, көні сійö олö. Йöз бура донгьялöны тайöс, - лыддö Надежда Русинова. - Öнیا кадлы лöсялана выль школагяс кыпөдөм - районлы зэв коланатор. Лөоны кө сиктын школагяс, сідзкө, оз кус сәні олөм. Бур сійö, мый содö батьтөм-мамтөм кагаөс босытöмысь сөм. Татшөм челядьыс зэв уна. Водзті кө сетөм сөм вылö челядьсö позис сөмын вердны да пасытöдны, то öнi тырмас, мед велöдны водзö либö бурмөдны оланін. Батьтөм-мамтөм челядьсö босытöны

бур оласога семьяс. И эм лача, мый кага быдмас шань, бур мортөн».

«Кулөмдін районса сиктгяслөн библиотека» учреждениеса директор Галина Пашнина лыддö, мый тайö туйвизгясысь быгть кокньодасны йöзлысь олөмсö. «Проект ыджыд, сы вылö ковмас уна сөм. Республикаса юралысьлы төждысьсөмсысь ыджыд аттö. Регионса мам капитал да кагаөс детдомысь босытöмысь сөм сетөм төдчымөн кокньодас йöзлысь олөм. Таысь кындзи, вичмөдасны сөм челядьсö бурдөдөм да шойччөдөм, а сідзжö гожöмын уджөдөм вылö. Миян районнын оз тырмыны садгясын челядьлы местаяс. Йöз новлөдлөны челядьсö орча сиктгясö. Школагяс да садгяс кыпөдөм - зэв коланатор. Сөжкө колö öтырышгья кутны видзöдлас улын колана уджгяс вöчөм, пасыкыдджыка төдмөдны таян районса олысьяссö», - төдчөдіс Галина Пашнина.

Республикаса юралысь Вячеслав Гайзер дась видлавны став вöйөмсö, кодгяс отсаласны пöртны олөмö сувтөдөм моггяс.

КОМИИНФОРМ.

